

ARUWANUNEN MWIICHENAP

A SUUK ME FIS WON MOEN IS. TRUK STATE F.S.M. NON SARINFAN

RUWANUNEN MAY ENGOROU TIWEPUKU WANIK ME EW

NAMOPUNG NO. 1-147

EW NAMOPUNG

A awora ukukun \$8,000 seni ewe Monienapen ewe Legislature-un Chuuk ren fan asengessin monien ewe Construction Skills Training Program non Fiscal Year 1982, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$8,000, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengessin monien ewe Construction Skills Training Program non Fiscal Year 1982.

Tetten 2. Ei ukukun moni mei kawor non Tetten 1 epwe einet ika nongeni ewe Meinapen Civic Action Team (officer-in-charge), ewe epwe wisen tumunu nounoun me mwokutukutun ewe moni fan iten ewe Kepina ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.


Tetten 3. Ewe Officer-in-charge epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:


(1) unusen porausen nounoun ewe moni fongon me ukukun nussun mei chiwen wor non April 1, 1982;

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och sotosopun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew Committee mei finita, epwe affatatiw napanapen nounoun me mwokutukutun ewe nussun moni; pwan


(3) awora anapanapen ukukun moni epwe kawor ren fan asengessin ewe Training Program non Fiscal Year 1983.

Tetten 4. Ei Namopung epwe poputa pochokunan non October 1, 1981,
ika a kapunguno me ren ewe Kepina, ika pusin winiti annuk, nge esemwo
kapunguno.

Sain seni: 
Tadashi C. Wainit, Speaker
Truk Legislature

Annetata: 
Datasi Albert
Legislative Clerk/Secretary
Truk Legislature

Pwinin maram: _____

Kapunguno seni: 
Erhart Aten, Governor
Truk State Government

Pwinin maram: 1981